

21. april 2010

FM2010/83

Akileraarutit ingerlanneqarnerat pillugu Inatsisartut inatsisaattut siunnersuut

pillugu

Akileraatnarnermut Akitsuusisarnermullu ataatsimiititaliap

ISUMALIUTISSISSIONAA

Siunnersuutip aappassaaneerneqarnissaanut saqqummiunneqartoq

Inatsisartut Akileraartnarnermut Akitsuusisarnermullu ataatsimiititaliaa
suliarinninnermini ukuninnga inuttaqarpoq:

Inatsisartunut ilaasortaq, Niels Thomsen (siulittaasoq)
Inatsisartunut ilaasortaq, Harald Bianco (siulittaasup tullia)
Inatsisartunut ilaasortaq, Aqqaluaq Egede
Inatsisartunut ilaasortaq, Karl Lyberth
Inatsisartunut ilaasortaq, Aleqa Hammond

Akileraartnarnermut Akitsuusisarnermullu ataatsimiititaliap siunnersuutip
siullermeerneqarnerata kingunerisaanik siunnersuut pineqartoq misissuataarpaa.

Siunnersuutip imarisai

Inatsisartut 2009-mi ukiakkut ataatsimiinneranni oqaaluserisassani immikkoortoq
UKA 2009/138-imi amerlanerussuteqartut akuersissutigaat, tamannalu malillugu
akileraarpallaarutinut utertoorutisiat tunniunneqartarnerannut atatillugu erniat 4
procentiniit 2 procentinut appartinnejassalluni. Inatsimmut siunnersuut

aalajangersakkamut tamatumunnga malitseqartitsineruvoq ukiumut
aninggaasarsiorfiusumut 2009-imut tunngatillugu utertitsinissamut atuutilertussatut.

Tamatuma saniatigut Kalaallit Nunaanni eqqartuussisarneq pillugu inatsisip nutaap
atuutilerneratigut suliat suliarineqaqqittarfiat nutaaq eqqunneqartoq; Kalaallit
Nunaanni Eqqartuussivik Inatsisissatut siunnersuutip sillimaffigivaa.

Tamatumunnga peqatigitillugu Nunatta Eqqartuussiviani suliassat
allanngortinneqarput, taamaasilluni nunatta eqqartuussiviata maanna suliat
kredsrettimi imaluunniit Kalaallit Nunaanni Eqqartuussivimmi suliarineqaqqarfittut
suliaasimasut suliareqqitassanngortitsivittut suliarisassallugit.

Siunnersuutip Inatsisartuni siullermearneqarnera

Inuit Ataqatigiit, Demokraatit, Atassut aamma Kattusseqatigiit Partiiat
siunnersummut tapersiipput.

Siumut siunnersummut tapersiinngilaq maannakkut erniarititaasoq 4 procentiusoq
innuttaasunut akileraarpallaarsimasunut naammattutut isumaqarfigineqarmat.
Tamatuma saniatigut maannakkut ernialersuisarnermik pissuteqartumik
iluanaarniartoqarsinnaanerata ilimanaateqannginnera Siumumit
isumaqarfigineqarpoq.

Akileraartarnermut- Akitsuusisarnermullu ataatsimiitaliap siunnersummik suliarinninnera

Akilaraarpallaarutinik ernialersuisarnerup 4 %-imiit 2 %-imut appartinnejarnera
Nunatta Karsiata akileraarpallaarutinut tapiissutaanik ukiumut 3. mio. kr.-init
missaannik aappartinnejarnissaata ilimagineqarsinnaanera Ataatsimiitaliamit
paasineqarpoq.

Siumup ikinnerussuteqarluni oqaaseqaatip matuma kinguliiniittup
isumaliutissiissummut

ilanngunneqarnissaa kissaatigaa:

“Siorna ukiakkut inatsisartut ataatsimiinnitsinni siunnersuutip oqaluuserineqarnerani
Siumumiit siunnersummut tapersiinngilagut isumaqaratta innuttaasunut
akileraarutinik akiliivallaarsimasunut 4 procentimik ernialersuineq naleqquttoq
pissusissamisoorlunilu. Aamma annikinnerunissaa kissaatiginanngilluinnarpoq
pissutigalugu ukiut ilaanni aningasat nalikilliartornerisa allaat 4 procent
sinnersinnaasarmassuk.”

Akileraartatnermut- Akitsuusisarnermullu ataatsimiitaliap inassuteqaata

Ataatsimiititaliami amerlanerussuteqartut Inuit Ataqatigiinneersut aamma
Demokraatineersunit inuttaqartut siullermeerinninnermi oqaaseqaatit qulaani
allassimasut tunngavigalugit siunnersuut **akuersissutigineqassasoq** inassutigaat.

Ataatsimiititaliami **ikinnerussuteqartup Siumumeersup** siunnersuut
itigartitsissutigineqassasoq inassutigaa.

Taama oqaaseqaateqarluni Akileraartarnermut- Akitsuusisarnermullu
Ataatsimiititaliap siunnersuut aappassaaniigassanngortippaa.

Niels Thomsen
Formand

Harald Bianco

Aqqaluaq Egede

Karl Lyberth

Aleqa Hammond